



# Biroocherii Dhaddacha Dhageettii (Fair Hearing Brochure)

Washington State  
Supplemental Nutrition Program (Sagantaa Sirna  
Nyaata Dabalataa)  
For Women, Infants, and Children (WIC, Dubartootaa,  
Daa'immanii fi Ijoolleedhaf)

Washington WIC Program  
DOH 962-105 November 2023 Oromo

## Dhaddacha Dhageettii maali?

Dhaddachi dhageettii seeraati. Dhaddacha Dhageettii irratti seenaa keessan abbaa seeratti himtu. Abbaan seeraa kan Sagantaa Women, Infants, and Children (WIC, Dubartoota, Daa'immanii fi Ijoolleedhaa) irraa kan dhufuu miti. Abbaan seeraa sagantaan WIC sirriitti isin kunuunsuu isaa murteessa.

### Dhaddacha dhageettii gaafachuuf sababoonni maalfaadha?

Dhaddacha dhageettii gaafachuu ni dandeessu yoo WIC:

- Sababa kamiyyuuf ta'u isin sagantichaaf ulaagaa hi guttan yoo jedhee fi isaan dogoggora ta'uu isaanii yoo yaddan.
- Sagantichaa irraa yoo isin baasee fi yoo isin kuni sirrii miti jettanii yaaddan.
- Maallaqa deebistanii sagantichaaf akka kaffaltan yoo isin gaafate.

### Dhaddacha dhaageettii akkamittan gaafachuu danda'a?

Unka gaaffii dhaddacha dhageettii guuttanii ykn xalayaa barreessitanii gara teessoo kanattii ergitu:

Department of Health  
Adjudicative Service Unit  
P. O. Box 47879  
Olympia, WA 98504-7879

Xalayicha keessatti maqaa keessan, teessoo keessan, maqaa kilinika WIC fi sababa dhaddacha dhageetti itti barbaadaniif kennuu qabdu. Maaloo yoo turjumaanni isin kan barbaachsiu ta'e nuu beeksisaa:

### Dhaddacha dhageettii gaafachuuf daangaa yeroo qabaa?

**Eeyyee.** Guyyaa xalayaa isin WIC dhaf ulaagaa hin guttan, WIC irraa baataniirtu ykn dhaddacha dhageetti gaafachuuf maallaqa deebistanii sagantichaaf kaffaluu akka qabdan kan jedhu erga fudhattanii irraa kaase guyyoota 60 qabdu.

### Bu'aawwan nyaata WIC ammas nan argadhaa?

Yoo yeroo WIC tif ulaagaa guttan keessa jirattanii fi guyyaa xalayaa isin sagantaa WIC irraa baataniirtu jedhu erga fudhattanii booda guyyoota 15 keessatti dhaddacha dhageetti gaafattan bu'aawwan nyaata WIC argachuu maltu.

Yoo yeroon isin ulaagaa itti guuttan yoo dhume bu'aawwan nyaataa **hin argattan.**

Yoo guyyaa xalayaa isin sagantaa WIC irraa baataniirtu jedhu erga fudhattanii booda guyyoota 15 keessatti dhaddacha dhageetti gaafachuu baatan bu'aawwan nyaataa hin **argattan.**

### Yoon ani dhaddacha dhageettii gaafadhe mirgoonni kiyya maal faadha?

- Guyyaa gaaffiin dhaddachi dhageettii keessan itti fudhatame irraa kaasee guyyoota 21 keessatti dhageettiin gaggeeffamuu qaba.
- Beeksisni dhageettii dhageettiin gaggeeffamuu isaatin dura yoo xiqqaate guyyoota 10 dura isin qaqqabuu qaba.
- Dhageettichi dhiyeenya iddoo isin jiraattaniitti gaggeeffamuu qaba.
- Gargaarsa seeraa dabalatee namoota biroo akka isin gargaaraniif fiduu dandeessu.

- Isinii fi namoonni isin gargaaran galmeewwan sagantaan WIC dhageettii irratti dhiyeessu ilaaluu dandeessu.

## **Yoo ani dhaddacha dhageetti irratti argamuu dadhabe maaltu ta'a?**

Yoo isin dhaaddacha dhageettii irratti argamuu hin dandeenye ta'e dursitanii abbaa seeraa dhageettii beeksisuu qabdu. Guyyaa dhageettii haaraa ni qophaa'aa.

## **Dhaddacha dhageettii irratti maaltu ta'a?**

- Abbaan seeraa dhaddacha dhageettii ni gaggeessa.
- Abbaan seeraa wanta isinii fi hojjettoonni WIC jettan ni dhageeffata. Abbaan seeraa isin haala wal qixa ta'een ilaalamuu keessan ni mirkaneessa.
- Gaaffilee fi odeeffannoo ammaa, ragaa baatota ykn ragaa biraa gaafachuu ni dandeessu.
- Maalif isin ykn daa'imni keessan WIC dhaf ulaagaa akka guuttan, saganticha keessa turuu danda'u akka qabdan ykn maallaqa deebistanii sagantichaaf akka kaffaluu hin qabne akka yaaddan ibsuu ni dandeessu.
- Abbaan seeraa isin WIC dhaf ulaagaa guutuu ykn saganticha keessa turuu danda'uu keessan ykn maallaqa deebistanii sagantichaaf akka kaffaluu qabdan ragaa irratti hunda'uun ni murteessa.
- Abbaan seeraa guyyaa isin dhageettidhaaf gaafattan irraa kaase guyyoota 45 keessatti murtee barreeffaman kennuu qaba. Xalayaan murtee abbaa seeraa poostadhaan isin qaqqaba. Xalayaan murtee beeksisa Irra akka deeb'iamuuf iyyaannoo jedhamu ni hammata.

## **Yoon ani murtee abbaa seeratiin walii galuu baadhe maaltu ta'a?**

Barreessaa/Barreessituu Department of Health (DOH, Muummee Fayyaa) akka murtee irra deebi'anii ilaalan gaafachuu ni dandeessu.

Murtee irratti iyyachuuf, Irra akka deebi'amuuf Iyyannoo kan jedhu guutudhan gara Department of Health, Adjudicative Service Unit poostadhaan ergaa. Guyyaa xalayaa murtee irraa eegaltanii guyyoota 15 keessatti kana raawwachuu qabdu.

Barreessaan/Barreessituun Department of Health murticha jijjiiruuu danda'u:

- Seera irratti dogoggoroonnii yoo jiraatan.
- Dhageettichi haala gaariidhan yoo gaggeeffamuu baate.
- Abbaan seeraa kallattiiwwan ifaa yoo kennuu baate.
- Murticha ibsuuf ragaan gahaa ta'e yoo hin jiraanne.

Manni murtii murtee barreessaa/barreessituu akka irra deebi'ee ilaalu gochuuf mirga qabdu. Murteen barreessaan/barreessituun barreeffame manni murtii akkamitti irra deebi'ee akka ilaalu irratti kallattiiwwan ni hammata.

**Waa'ee dhaddacha dhageettiiwanii irratti gaaffilee kamiyyuu yoo qabattan kilinika WIC naannoo keessai ykn biiroo WIC isteetatti bilbilaa. Lakkoofsi bilbilaa biiroo Isteetaa kan bilisa ta'e 1-800-841-1410.**

Adeemsonni dhaaddacha dhageettii kutaa 7CFR 246.9 Federal WIC Program Regulations (Danbiiwwan Sagantaa WIC Federaalaa) fi Washington Administrative Code (Koodii Bulchiinsa Waashingtan) 246-10 fi 246-08-520 irratti hunda'uu.

**Kutaa Ittisaa fi Fayyaa Hawaasaa  
Biirroo Tajaajiloota Sirna Nyaataa  
Washington WIC**

**Washiingtan WIC loogii hin raawwatu.**

Akkaataa seera mirgoota siivilii federaalaa fi danbiiwwani fi imaammatoota mirgoota siivilii U.S. Department of Agriculture (USDA, U.S. Kutaa Qonnaa U.S) tin, dhaabbanni kuni sanyii, bifa, biyya dhalootaa, saala (maalummaa koorniyaa fi akkaataa wal-qunnamtii saalaa), qaama miidhamummaa, umurii yookiin haloo gocha mirgoota siivilii duraanii irratti hundaa'uun loogii hojjachuu irra kan dhorkameedha.

Odeeffannoon sagantaa afaan Ingiliiffaatiin alatti afaanoota birootin argamuu danda'a. Namootni qaama miidhamoo ta'an kan odeeffannoo sagantaa argachuudhaf (fakkeenyaaf, Sirna-barreessuu, maxxansa guguddaa, waraabduu sagalee, Afaan Mallattoo Ameerikaa) karaaleen wal-qunnamtii akka filannootti isaan barbaachisan, mootummaa yookiin ejensii naannoo itti gaafatamummaa qabu saganticha yookiin Wiirtuu Technology & Accessible Resources Give Employment Today (TARGET, Teeknooloojii fi Qabeenyoonni Gahamuu Danda'an Har'a Qacarrii Kennuu) USDA (202) 720-2600 (sagalee fi TTY) irratti qunnamuu yookiin karaa Federal Relay Service(Tajaajila Rileeyii Federaalaa) USDA (800) 877-8339 irratti qunnamuu qabu.

Komii loogii sagantaa dhiyeessuuf, Himataan tokko Form AD-3027 (Unka AD-3027), Program Discrimination Complaint Form (Unka Komii Loogii Sagantaa) USDA kan toora interneetii irratti argamuu danda'u: <https://www.usda.gov/sites/default/files/documents/ad-3027.pdf>, (afaan Ingiliffaatiin), waajjira USDA kamirraayyuu, (866) 632-9992 irratti bilbiluudhan ykn xalayaa USDA'dhaf barreessuudhan guutuu qaba. Xalayaan sun maqaa himataa, teessoo, lakkoofsa bilbilaa fi ibsa barreeffamaa tarkaanfii loogii himatame bal'inaan gahaa ta'e qabaachuu qaba, kunis maalummaa fi guyyaa sarbama mirgoota siivilii jedhamuun Assistant Secretary for Civil Rights (ASCR, Gargaaraa Barreessaa Mirgoota Siivilii) beeksisuu qaba. Unki AD-3027 guutame ykn xaalayichi USDA'f karaa armaan gadiitin galuu qaba:

1. **poostaa:**  
U.S. Department of Agriculture  
Office of the Assistant Secretary for Civil Rights  
1400 Independence Avenue, SW  
Washington, D.C. 20250-9410; yookiin
2. **faaksii:**  
(833) 256-1665 or (202) 690-7442; ykn
3. **imeelii:**  
[program.intake@usda.gov](mailto:program.intake@usda.gov)

Dhaabbanni kun carraa wal-qixa ta'e kenna.  
Washiingtan WIC loogii hin raawwatu.

Galmees kana bifa biraatin gaafachuu yoo barbaaddan, gara 1-800-841-1410'tti bilbilaa. Maammiltootni dhaga'uu irratti rakkoo qabdan yookiin dhaga'u hin dandeenye, maaloo 711 (Washington Relay) irratti bilbilaa ykn [WIC@doh.wa.gov](mailto:WIC@doh.wa.gov) irratti Imeelii godhaa.



DOH 962-105 November 2023 Oromo

